

Date – 18/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- 1. Swasth Nari, Sashakt Parivar campaign pualin thla thar ni 2 thleng awh tur hmeichhiate hriselna lam hawi campaign kalpui tan a ni.**
- 2. State chhung District hrang hrangah Faina Beihpui thlakna, Swachhata Hi Seva Campaign neih tan a ni.**
- 3. Union Finance Minister Nirmala Sitharaman chuan GST thara chhiah tihhniam anih avangin mipui sum cheng vaibelchhe nuai 2 chaung hum a ni dawn a ti.**
- 4. Union I&B Minister Ashwini Vaishnaw chuan nimin khan NN National leh DD News ah Seva Parv Special Programme a hawng..**

<><><>

SWASTH NARI

Swasth Nari, Sashakt Parivar campaign pualin thla thar ni 2 thleng awh tur hmeichhiate hriselna lam hawi campaign kalpui tan a ni.

Swasth Nari, Sashakt Parivar campaign -in a tum ber chu chhungkaw nu ber atanga hriselna bultan a ni a. Hemi hnuaiah hian Hospital hrang hrang, Health & Welness Centre leh Health Sub-Centre-ahte health camp leh check-up neih a ni dawn a. PMJAY, PMMVY leh Nikshay Mitra enrollment kalpui a ni dawn a, Ayushman Bharat Health Account (ABHA) ID siam a ni dawn bawk a. Naupang vaccine pek, BP sang, zunthlum, hnute cancer, anaemia leh TB vei zawn chhuah bakah AYUSH awareness, Oral health leh Blood donation camp-te buatsaih a ni dawn bawk a. 8th Rastriya Poshan Maah kaltlangin nu leh naupangte hriselna nan hmalakna hrang hrang kalpui a ni bawk ang.

He campaign hawnna nimina Aizawla neih hmanpuitu Health & Family Welfare Minister Pi Lalrinpuii'n chuan hmeichhiate'n theihna nasa tak an neih avangin tawiawmna tha an dawn phawt chuan hlawhtlinna ropui tak an hmu thei a ti a, hriselna lama thawktute chu rawngbawlina thinlung pu chung a hna thawk tur leh campaign kalpui hun chhunga a tam thei ang berin hlawkna an hmuh theih na tura theihtawp chhuah turin a chah a. An hmalakna hrang hrang chu a hlawhtlin theih nan VC/LC, NGO leh Kohhrante tanrualpuiah a sawm nghal bawk.

Byte: Health Minister

Health Minister Pi Lalrinpuii hian nimin vek khan Aizawl Zemabawkah RIPANS buatsaih - Free Medical & Health Camp a hawng a. He health camp

hi sawrkar laipui hmalakna Swasth Nari, Sashakt Parivar Abhiyaan tihhlawhtlin a peng pakhat a ni.

RIPANS Director Dr Sanjay D Sawant chuan hetiang health camp hi vawi 10 neih an tum thu a sawi a ni.

<><><>

GST REFORM

Karleh Thawhtanni atanga a taka hman tan tur, Goods and Services Tax, GST 2.0 chu a nih dan tura kalpui a nih theih nan leh hlawkna an tel ve theih nan mipui nawlpui leh Mizoram ukil te pawhin an hriatna an tih zau ve a tul tih mithiamten an sawi.

Akashvani Aizawl zawhna chhangin Advocate Pu Saihmingthanga Sailo chuan GST chu ram mipuiten an mawhphurhna anga sorkara chhiah an pek let vena a ni a ti a, GST kaihnawihah Mizoramah thubuai a tam lo viau a a lan chhan chu mipuiin GST an hriatthiam tawh loh vang ni pakhata a hriat thu sawiin, India-in Act East Policy a kalpui mek hnuaiah khawchhak lam ram hrang hrangte nena insumdawntawnna tur kawngpui, Kaladan Multi-Modal Highway chu a peihfel tep tawh bakah Mizoramin Guwahati kal kher lova Kolkata atanga tuipui kaltlanga insumdawntawnna a awm theihna tura sorkar laipuiin hma a lak mek avangin Mizoram chuan ram pawn atanga insumdawntawnna a hmachhawn thuai dawn a, Sairangah rel a lo lut tawh bawh a, heng insumdawntawnna chhiah an hman san ber tur chu GST a nih avangin GST in enge a tum, GST atangin mimal leh a khawtlang ang zawngin Mizoram mipuite chuan eng hlawkna nge an lo neih ve theih tih te an hriat theihna turin mipui nawlpui chuan an hriatna an tih zau a tul a ti.

Hetianga sumdawna a lo kal hunah GST kaihnawih thubuai a awm hunah Mizoram pawna ukil ten case awm zawng zawng an lak vek loh nan Mizoram ukil te pawh GST chungchangah an in tah hriam tul a tih thu a sawi bawh a ni.

<><><>

SWACHHATA HI SEVA

State chhung District hrang hrangah Faina Beihpui thlakna, Swachhata Hi Seva Campaign neih tan a ni.

Nimin khan Champhai DC Conference Hall, Keifangtlangah Bawrhsap Pu Mohammad Aaqib hovin Campaign Khuhhawna leh Faina thutiam lak nghal a ni.

Swachhata Hi Seva Campaign hi kum tin neih thin a ni a. Kumin hian kum dang zawng aia uar zawka mipui a tam thei ang ber tel theihna tura ruahhmanna siam a ni a. He faina beihpui hian a tum ber chu ramchung, khua leh vengte a lo fai lehzual theih nan mipui hnena faina chungchang inzirtir te, faina kawnga a tam thei ang ber thawh chhuak tura hmalak te, hmun bal zual lai hmantlaka chhuah theih tura tihfai hnatlang neih bakah, faina nitin nunphunga bet tlat tura in zirtirna leh sanitary workers pawihmawhna hrilhhriat te a ni.

Kolasib ah chuan DC Conference Hall ah DC Pu Robert C. Lalhmangaiha chuan Swachhata Hi Seva pual a Mizoram Cleanlines

Competition 2025 khuhhawn a ni a, DC chuan, Swachhata Hi Seva puala Mizoram Cleanliness Competition hawnna neih zawh tak chu Faina lama District khawpui leh khaw dangte intihsiakna thianglim leh changkang a ni tiin, hemi kawngah hian District chhung mipuite tanrual a tul thu sawiin, Open Defecation Free (ODF) 2.0 ah Kolasib hming a lang ve ngailo chu a ngaihawh thu a sawi a, ODF 2.0 mai nilovin, Kolasib chu Mizorama District fai ber a nih ngei a beisei tih a sawi baw.

Swachhata Hi Seva pual hian Clean Green Utsav activities hnuaiah hmalakna hrang hrang kalpui a ni dawn a ni.

Mamit ah pawh nimin khan Urban Development & Poverty Alleviation Department leh Public Health Engineering Department hmalakna hnuaiah Swachhata Hi Seva - 2025 (Faina kawnga hmalakna) khuhhawnna Pu K.Laltlawmlova, District Bawrsap chuan a nei.

Swachhata Hi Seva - 2025 hnuaia hmalakna atan hian Mamit Bazar veng atanga Charkawn thleng bawhlawh chharfaia hnatlang neih zui a ni a, Mamit Charkawn-ah kharna hun hman a ni .

Saitualah chuan District Bawrsap Dr. Lalngura Tlau chuan September ni 17 atanga October ni 2 thleng awh tur faina beihpui thlakna “Swachhata Hi Seva 2025” Campaign a hawng a.

Saituala Swachhata Hi Seva 2025 Campaign roll out hi UD&PA department leh PHE department tangkawp buatsaih a ni a, UD&PA lamin town area-ah te faina beihpui hi an kalpui anga, PHE department in thingtlang lamah an kalpui thung ang a, vawiin hian Phullen leh Ngopa RD Block-ah te campaign hi neih a ni ang.

<><><>

LAWNGTLAI JT NGO

Central YLA kaihhruaina hnuaiah Lawngtlai District a Tlawmngai pawl hrang hrang hruaitute inhmukhawm chuan NGO Co Ordination Committee an din.

Nimina Lawngtlai YLA Golden Jubilee Hall a Tlawmngai Pawl hrang hrang hruaitu inhmukhawm hi Central YLA President Pu F.Lalrothanga'n kaihruaiin, Central YLA General Secretary Pu JH Lalrindika'n Lawngtlai District chu kawng hrang hrangah a hnufualin, Tlawmngai Pawl tan Sorkar tha tichaka, thawhpuia, District dinhmun dawmkang turin hmalakna tur tamtak a awm tih Central YLA Executive Committee ah sawilan a nih thute, District in mamawh a neih hrang hrangte bawhzui kawngah pawh hmalakna kalpui ngai a tam tih Central YLA in hriain, NGO intelkhawmna mumal neih tha a tih thu a sawi.

Central YLA, Lai Women Association, Lai Students' Association, Lairam Upa Pawl leh Mizoram Upa Pawl hruaitute kalkhawm chuan NGO Co Ordination Committee din tha tiin, Chairman atan President Central YLA nise an ti a, Hruaitu dinhmun dang chelh turte pawh an ruatfel nghal a ni.

<><><>

BJP SEVA PAKHWADA

BJP Mizoram chuan Prime Minister Narendra Modi-a piancham pualin, Midang tana luanchhuahna Program, "Seva Pakhwada" nimin atang khan an hmang tan a, nimin khan Aizawl Civil Hospital Blood Bank ah thisen unit 35 an pe.

Blood Donation Camp buatsaihna a thusawitu BJP State Vice President Pu Malsawmtluanga chuan thusawiin, Pu Modi-a pianchampha Sept ni 17 aṭanga India Ram Zalenna sual chhuaktu Pu Mahatma Gandhi pianchampha October ni 2 inkar chhunga midang tana luanchhuahna hun an hmang dawn tih a sawi a, Pu Modi-a Prime Minister a nih aṭangin rin phak bakin India ramin hmasawнна a hmu a, kawngtin rengah India ram chawikanna tur Program a siam te chuan India ram ṭhalaite, kuthnathawk tute leh Entrepreneur-te tan nasa taka hmasawнна a thlen avangin khawvela Ram thangchak ber pawl an lo ni thei ta a ti.

Viksit India 2047 mission a lo thlen theihna tura Central Sorkar Pu Modi a kaihhruai ah Mizoram ah pawh hmasawнна hrang hrang a rawn lut mek zel a ni a ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

UNION FM

Union Finance Minister Nirmala Sitharaman chuan GST thara chhiah tihhniam anih avangin mipui sum cheng vaibelchhe nuai 2 chaung hum a ni dawn a ti. Vawiina Next-Gen FST Reforms inhrilhdarhna hun Visakhapatnam-a neihah he thu hi sawiin Pi Sitharaman-i chuan chhiah chawina chhawng hnih chauha siam a ni ta chuan mi narante tana phurrit tam tak a chhawk dawn tih a sawi a. An nitin mamawh leh bungrua te a man a hniam dawn tih sawin mi rethei leh mi naranten an hlawkpui ang a ti.

<><><>

UNOIN I&B

Union I&B Minister Ashwini Vaishnaw chuan nimin khan NN National leh DD News ah Seva Parv Special Programme a hawng. Pu Vaishnaw chuan khawvel hmuhah India chuan nihna thar a lantir mek a ti a. Pu Modia chu a nun bul tan atangin ram dinchhuah nan a thawk char char tawh a ti bawk. He hunah hian Union I&B Secretary Sanjay Jaju pawhin thusawin he hun bikah hian mipuiten ram indinchhohna zinkawng an hre chho zel tih a sawi a ni.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah tittlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian rooftop solar system man te, solar pump mante a tlawm dawn bakah green energy siam kawngah hmasawнна a thlen dawn a ni. Garakhpur-a khawsa Naveen Tripathi chuan GST thar chuan mi naran tan awlsamna a pe dawn tih sawiin ramchhunga energy sector lamin hma a sawn phah ang a ti. '

<><><>